



白石詩稿一

子四

2040
18

~18
2453
1



2440-4
門 18
2453
卷 1

白石遺稿卷之一

完山李正儒士宗 著



詩

夏日書事

櫻桃初熟杏陰繁
病子三旬始出門
永日山齋無箇事
懶拈蝴蝶菜花園

其二

連籬三四盡
田家打麥場陰數
柳遮巷口斜陽雙
燕子無端飛掠海棠花

其三

日見兒曹太劇顛幾何渠不亦翁年楊花細徑池塘
草紅色蜻蜓更可憐

其四

采采靡蕪薄暮迴鋤頭八硬土生埃今年復恐如前
夏梅子黃時雨不來

其五

天今欲雨乍陰晴昨日青蛙上樹鳴烟際語聲時近
遠野人爭水到溪更

其六

雙蝶翩翩去甚忙蕃薇架下巧迷藏錯疑午院風吹

八猛見黃鸝過短牆

暮春即事

鶯兒撩亂鷺兒低芍藥陂東杏塢西一半斜陽分得
去綠楊絲下又煙堤

其二

晚借隣丁課菜田萋萋蔓草綠如烟悶教烘日中人
困向午槐陰却倒眠

其三

菰蔓生鬚掩圃中終朝折柳插西東兒童不耐青青
大纒結花時已踏叢

其四

山日支離懶夢中海棠俄落一庭空
小風欄角恹恹
網偶貼飛花數箇紅

右三首初夏書事

其五

五月家家畫掩閑
丁男皆在綠蕪間
青猿白犬隨人去
留待山田午饑還

其六

日采園畦味更長
嫩青蒿苣葉如裳
三時麥飯包米滑
蕪摺新葱佐下涼

其七

蟋蟀無數躍階陰
忽忽林廬夏已深
一任黃蜂偷晚馥
石榴花老鑽紅心

右三首仲夏書事

山居即事

為省游鱗俯碧池
風蒲葉畔立多時
最深金鯽無消息
生怕垂楊裊裊絲

其二

秋葉青青覆水田
農家日日望雲天
如今劉得三犂雨
插了高低小暑前

其三

古井蒸成紫蘚衣
桔槔反水八東陂
泥沫濺濺蒲葉

動蜻蜓移上蒺藜枝

其四

籬落花生雜草芒
雞兒散入啄殘黃
母來側目猜空影
知有浮鷺瞥過塲

其五

昨才剗木引西溝
野水今朝已不流
縱使旬前容得雨
高田秧晚恐微收

其六

農家緩急片時爭
况乃山田百日晴
漢水癡龍多世態
有時行雨過王城

其七

隰草青青晝放牛
四隣農語怕無秋
連年苦旱終何召
野父徒深百斛憂

其八

山靜日長蔭草廬
唐庚詩偈便忝余
攤書曝晷朝來事
仔細尋回在昔如

秋來憂患添劇書此遣悶

壬寅

疾病妻兒苦未強
秋光日日與愁長
栗脰黃坼頻聞雨
棗頰來漸近霜
便令志士無端老
不識寒虫有底忙
轉覺十分禪味好了
無一事到山房

舍身任之 正仁 往潛谷過期不還用俚語得一
律排悶

一年秋色滿嘉陵別味山中逐日生水荳稀和新稻
飯土蓮蕪八嫩雞羹村醪泛鉢全傾濁巖蜜排窠剩
得清舍身多時應飽此能憐飢渴猫阿兄

崔一之 壽亨 絜家入洪川茅一邨余病未叙別
以六絕句贈行

今世士貪無所如不能不讀計然書扁舟七月東湖
水盡室行裝樂有餘

其二

半世公車未售賢誰憐終理此盤纏上江消息西風
好病我低吟却棄然

其三

鹿門高躅見今人措大居然畎畝身何處不行忠信
我峽中民俗且淳真

其四

初地生疎實實村諸緣隨事習寒溫貧家活計詩書
在老日猶堪養子孫

其五

斲巖剝木引清泉從古賢人或
在田好是山林經濟

事蒔花種藥自年年

其六

此去東江問幾灣
芒鞋早晏覓重巒
安知不作方山子
流水柴門一笑看

贈柳元明

星漢

多君三歲杜衡門
世路無人此意存
七尺吾身宜自辨
不須容易受他恩

其二

孰謂潛蛟用有餘
一貪香餌等凡魚
蜻蜒最解安身法
蒲末輕風立自如

其三

海國衣冠搃竊儒
強談詩禮做規模
儘教心上無窮達
稱是人間大丈夫

病中謔吟

一病三旬苦未痊
荒村歲色已居然
背寒緊中泠泠水
心懣渾生漠漠烟
氣力商量強半老
工夫點檢許多眠
南湖判負觀梅約
酒債今冬剩幾錢

其二

蕭疎風雪滿西林
紙障茶鑪坐卧深
拋却衣中成懶惰
過來日月失晴陰
游絲別作牽魂弱
翹魇虛侵閉

眼杳會待春潭雷雨至有時嗟送蟄龍吟

其三

峭寒每怯八窓櫺襯壁深圍短畫屏賓客稀時忘中
櫛兒童多日在階庭藥名漸熟看醫鑑針法相妨閣
酒經那得玉壺冰一段洗腔要嗅主人醒

其四

厭聽朋知問減加呻吟逐日做生涯心虛恍惚逢游
鬼眼暈尋常見亂花漸遣皴皮成古木何來悶氣作
纖霞門前楊柳東西樹分付兒童打叫鴝

其五

閔身藥裹太支離稀粥盤來自皺眉用有男兒知不
死猜多造物怕猶欺童心善走何嗔汝容面還生軌
問誰病脉應從憂戚崇令渠除想是良醫

余三月病瘡 國有慶科頓無赴舉之意隣友
汝章起之甚力強疾佐行夜歇泮村痛勢益劇
終宵不寐悔恨交至遂成二絕

升載西遊愧士名傍人苦勸強後行慣看少輩應唾
我頂着儒冠又八城

其二

客館寒燈夢不成深更襍被悔心生緣渠少日閒工

課四十年來屢此行

余見屈試場當日歸白石村庄是夜口占自慰
興仁門外夕陽斜東出長安十萬家今歲一番蕭索
去且看明日滿城花

其二

蹇驢跨渡灞橋流幾箇行人似我愁歸視窓梅消息
好春來應着百花頭

其三

龍門一額望魚魚舉欲揚鬢便躍於魚中別有龍頭
角雷雨騰時定是渠

其四

竊愛荆山荆足身十年猶自抱奇珍懷中姑待千金
價天下寧無一玉人

其五

半世無人薦子虛成均進士倦遊余好教聞漢山中
去收拾床頭未了書

其六

莫道將軍屢敗還丈夫寧處棘門間它時使箇新旗
鼓直奪崑崙第一關

其七

失意寒虬偶落泥仰空噓氣住虹蜺仔看一蹴青天
去萬里滄溟脚下低

聞汝章喪其長兒不堪恠愕瘡疾有拘不能免
俗久未往唁湯成三十絕句以叙悲惜之情且
解汝章之慟非效挽誄哀辭之體而用代慰帖
耳

眉目清揚額角豐可憐鄉里好兒童不知笑口翻鳴
咽強住何言慰乃翁

其二

鳳尔麟胎苦未全家家豚犬或長年莫將此理輕呵

鬼端是閻王亦好賢

其三

知君伊戚念高堂忍住冤聲哭以腸最是書窗燈影
下杳杳眉目若為忘

其四

既生旋奪理胡然茲故無因詰彼天輕斫月中方長
桂吳剛真箇忍心仙

其五

初意窓前種碧梧高枝為養鳳凰雛秋來不食琅玕
實楊柳他巢却羨烏

其六

硯匣床西筆架東
嗅誰開卷課新工
嚴呵痛楚後前
悔多在晨昏卧被中

其七

孔釋初何抱送天
麒麟還是惡因緣
如今迴向瑤臺
去羸佳人間十四年

其八

肇錫嘉名喜可知
蘭湯三日浴斯兒
蟠桃會信金盤
實不必先霜愛茂枝

其九

誇着斑 昨日然不知
堅束去新汗爾時呀
唯聲如在猶信梅花小閣前

其十

粟赤棗紅滿後園
十分秋色數家村
尋常宿物都遮
眼添箇多時急淚痕

其十一

老人萬愛莫如孫
母住號咷戚二親
憑取若干書畫
紙海棠花下暗招魂

其十二

愛渠何間我家童
湯餅初年慶喜同
尔重繫它長命

線便從今日暮斯翁

其十三

收拾書箱水墨鴉童奴狼藉去焚阿秋衣舊件留慈
線霜落風淒奈爾何

其十四

寬腔哭下曉山青猜眼睛暉滿戶庭數杏收丹花外
徑隣兒持帚捕蜻蜓

其十五

盤筵初度祝素弧更頌南星一幅圖痛罵秋風消息
惡底心吹打碧珊瑚

其十六

三旬伏枕太支離未伴隣朋假喻之暗想阿孃頻罵
鬼庭心厨角月沉時

其十七

阿翁花癖異花栽芍藥芙蓉取次開試問東家蝴蝶
子那時倘復覓紅來

其十八

單衫杏子日蹣跚每遇西風記放鴛種種欄前欄後
跡柳塘花砌故依然

其十九

誰家總角長如渠
飲日衣裳五尺餘
雜米毫箋堪贈
鬼淺山家後并埋諸

其二十

身著情塵一贅疣
又生竒肉子孫憂
縱令嫁娶皆如
願衣飯關心死便休

其二十一

東野中年泣杏哥
青山埋得好兒多
商量老淚宜珍
惜箇箇平分哭子家

其二十二

寒暑恒存疾病憂
兒身漸大父顏枯
癡人不解多男

苦爭買銷屏百子圖

其二十三

六根諸色未觀空
牽縛情緣久獄同
計了眼前煩惱
日人生強半老其中

其二十四

莫喜熊羆吉夢頻
須知百累有覆身
世間一種便宜
事惟是妻梅子鶴人

其二十五

多魔情界福誰完
生子非難養子難
信覺西方諸佛
意要他身上斷悲懽

其二十六

叵耐披眠惡卧衾知應枕上淚
淫淫莊仙打說殤為壽差慰人
間父母心

其二十七

勿吊殤兒勿慶翁有生於世本
忽忽兩轉比死同朝曠長短何
爭一日中

其二十八

凡生且死不須哀死案生時已
擺開除却百年憂患事眼前真
境足誅盃

其二十九

亦憎愁字造何時裹着浮生一
肚皮百計消磨猶不得箇中方
便在無思

其三十

寄語東隣日去人須將故實解
頻頻荆花好種加心護第
二枝頭剩有春

悼亡三十首

地下良朋去不回人間節序謬
相催衰儂怎得春消息合把
餘生配臘梅

其二

十月霜風緊緊束寒衣一套倩
誰裁燈前補襪尋常

事小女持針淚映腮

其三

常恠迂儒做甚麼一生衣飯任家婆從前未辨安身策到面方愁沒奈何

其四

寒窓風雨暗蕭蕭卧被無眠度永宵攬破一番情世界人生此恨可全消

其五

盆歌莊叟昔何為到境方知彼甚悲最是一端難耐處房隅兒哭日西時

其六

眉際何常見一顰飯衣隨辨但宜身可憐七尺還無着住世從今半箇人

其七

四十三年太倏然嗟君短命奈于天會湏地下重逢日願續今生未了緣

其八

婉淑音容掩素帷閨房依舊閨何之貧家內政無句管婢爨僮樵不戒時

其九

荒山一卧百憂無
淅戚徒貽老舅姑
儂眼不曾輕下淚
未知何觸落如珠

其十

四方知既往非良規
無復聞寒機
人情可在堅於石
送子黃埃冉冉歸

其十一

悶來何夕不相思
襟被空床黯黯時
惟是沒痕殘夢處
曉天斜月映虛帷

其十二

雪壓東岡箇箇松
綠何不怕此深冬
這婆儘住無情

鬼宿火鑪傍凍殺儂

其十三

秋霜越得鬢邊多
百慮關心奈老何
頰向諸雛摩撫別
稍着眼食日隨爺

其十四

炯然神氣識前期
盥手梳頭強自為
錯道生平修潔習
伊時漫見不知悲

其十五

化日忽忽語未成
曙窓暈燭迥虛生
願將多少舍歸根
假夢分明說盡情

其十六

山田歲種木綿花巧得今秋摘較多
舊日箱籠堆爛漫誰當治絮著儂家

其十七

屋子今年與子成病中營辦苦疲精
前時已自嫵湫隘故儼新居快活生

其十八

蕪菁佳菜綠披離醃得三甕在病時
狼藉了鬟行潤手朝朝梳栉任渠私

其十九

生來鬢髮綠雲蟠歲剪難又任一團
密置粧奩珍惜意待他新婦飾鬟者

其二十

軟半青蓆六幅垂綿花細織手常治
飲時記取叮嚀囑留與阿嬌見母儀

其二十一

三年慈病共扶將忠養今難口體當
除却三時常供外更誰候色入厨忙

其二十二

吾家世有父兄師諸子猶令讀禮詩
繡箇元央紅綠

線憐渠稚女學誰為

其二十三

夫婿無成老負生孺人二字寫銘誌如君女德終埋
沒仙姥高班也籍名

其二十四

結髮相從廿四春族隣咸道是夫人數聞小婢潛啼
語尤見常時處下仁

其二十五

逝者無知最獨憐此生開口有他年團稟夫婿紅燈
席老大家翁坐箇邊

其二十六

儂心或冀子魂知暗祝冥冥底苦辭料是閻間慈愛
念好教無病長諸兒

其二十七

追惟往事足悲嘆不得令君一日安緣此丈夫多眷
屬近來強丰喫飢寒

其二十八

斂皮強欲學新郎老鳳求凰惹笑場滿眼見曹婚嫁
地將渠箇事合消詳

其二十九

子大親衰勢轉貧經營非是為鰥身千迴夜枕楚趙
意那得新人似故人

其三十一

閒愁強自撥爐灰世事於人好巧乖只就面前都做
去未來不必且安排

病起戲書

蒸飯青精快一餐朝來差覺病懷寬三餘箇月成蹲
佛四大奇書借稗官欲審容光初拭鏡要生脚力乍
凭欄今年正沒看花福留與梅兄住好顏

其二

門巷寥寥絕鞅輪閑庭鳥雀稍來親梅心太冷應驚
眼鶴相元癯政合身已耐千愁當膜膈差經幾日見
陽春晴窗更試殘書課胡亂見曹且勿嗔

其三

囊藥姑停日服丸興辰較昨少便安邀朋倩畫新碁
局叟婢催溫舊粥盤麻症未除猶軋澁癥痕稍落自
闌干開窓試捲青松障為看天磨雪後山

其四

強圍腰帶笑紆餘猛嗅精神步階除禪老忝同新契
帖山林經濟古方書無耐業緣還覓酒且須情味政

思魚今年四十東山卧定為蒼生故起余

其五

弄雪弄晴殘臘光
午來慵睡罷藤床
僮梳亂髮頭全
秃兒學新書舌
乍強刺飯團分
舖鶴料前工
合抄種
花方一番閒
囑春風面拖
逗回陽線線長

城東路中記所見

梅子如丸杏子肥
行人駐馬却忘歸
二八誰家紅粉
面小桃墻角出
依稀

其二

東出青門望大堤
芳菲欲歇綠陰齊
流鶯不避炎涼

樹揚柳東西一樣啼

病中無悰想漢村梅發漫成五絕呈汝章

病裏風光也沒情
小邨殘雪眼偏明
主人是箇梅花
相仔細看回渾叫兄

其二

枝花諸色甬偏癯
本質先天減受無
枉被閒人詩画
筆爬搔皮肉沒餘膚

其三

愁中索笑賴頻頻
梅有吾人夙世因
罵却春風無恠
住老夫深自惜香塵

其四

水邊籬落雪中園前輩梅評已索言
祇覓黃昏微月影淺斟殘酒醉花魂

其五

小閣纔開醉欲迷新粧無語向人低
東家處子知非若乞與衰儂強住妻

余作悼亡詩凡三十首元明近以八絕慰悲又
次其韻足以二首合前後四十

那抹情儂箇字名淚和春兩苦遲晴十年如假閑時
月向老同省子女榮

其二

被冷相思曉夢頻青鸞無計鏡奩馴
天荒地老冤家債的是憑回幾劫輪

其三

夫家廿載備膚艱到此偏憐惱一寒
好是人間無累佛為誰悲泣為誰歡

其四

白苧涼衫稱我長纖纖手法在紅箱
閒來細檢平時物四角囊心又珮香

其五

飲餘皴坼木花帚姑哭摩挲眼欲昏前使女奴持浣
去濕苔渾是病時痕

其六

數歲團乘聚弟兄家間細語豈聞郎隔籬生活安排
計太半廝市此一行

其七

懊惱元央惹老奴嗔那雄鳳哭青梧諸兒唾涕單襦
袴塗抹三分着去麤

其八

閨門內事不違情季嫂常稱大嫂明安得一罇君手

釀

上堂稱壽若生平

是春家大人回甲

其九

孤墳一擲女男憂濶事家翁恣任愁鬪花較草何知
識長者前年僅上頭

其十

儂髻蒼々已二分幾何同穴復從君從今把住山中
日看活床頭兩漢文

思寢令文立中

躍淵

同門友也秋往湖鄉還直

日遺以二梳意甚殷勲聊賦六絕以謝無求俯

和

幽憂三月閉門中
病子科頭亂似蓬
領取君心朝理髮
頂顛輕若灑冷風

其二

慵來盥櫛不相關
一事添生却妨閒
好看黑虱難容髮
數箇兒童指甲間

其三

誰教短髮沐長流
強抹鬢鬆澁欲羞
去痒勝如麻嫗爪
閒愁不必更搔頭

其四

湖州遠物落幽棲
珍重行人畏赫蹏
藉此消除頭暈

症謝君嘉惠勝刀圭

其五

經旬不剔滿頭塵
葉裏仍成病棄人
幸賴良朋從檢束
試加巾幘頓精神

其六

芒間巧細入絲絲
髮理摩挲潤若脂
每日晴窗稱快事
故人真是療風醫

和立中直中見寄韻

偶因携手出去醉
西家貧樹暗山如遠
星繁夜欲新
非君無快馬為我是同人
但見番軍苦經過
且莫頻

其二

薄宦還無賴幽情也不貪
風聲衣裏滿天色樹端新
文酒從吾弟溪山有主人
歸來餘興在斯會莫嫌頻
哭亡兒瘞

無聞無見只青山失汝聰明筆硯閒
到此地中無汝父還應怙悵憶人間

其二

文章三世我家筭汝亦同罹
此禍不所恨人情非木石
未能無淚滴心頭

其三

初望其歸日漸悠夜臺何樂便
長遊那將快鈿磨如雪截斷
兜腸萬種愁

其四

新悲觸物苦多端我淚生前定未乾
却羨汝慈先汝去地中應續世間歡

大碓雞

朱冠翠距角為魁脩脰高於數尺
孩睛日花前多立勢隣雞不敢過
牆來

次李景世

民秀

生子志喜韻

代作

是兒孫重結先人况復君家世積仁
蚌蛤懷胎年月

久麒麟出角戶庭新玄洲古廟寧無胤華嶽名山必
有神異日可知成宅相昂來門運屈餘伸

過元明家呼韻共賦

蛺蝶闌珊草徑微雜花籬落遠生輝仍逢栗樹陰邊
坐返照青苔欲上衣

次老妓蘓貞韻

石榴帚坼淺紅塵函閣擢輪夢裏身送了一番春色
去門前看度幾官人

其二

舞榭歌筵搃幻塵白頭紅頰兩般身落花芳草中山
踏半是情儂半恨人

其三

佳人病老最生憐有底冤情襯帶前不拍桃花紅扇
子背燈還誦出師篇

其四

禿髻低垂強按箏燈前啞軋罵書生寒塘不念芙蓉
老枉道西風太薄情

其五

花朝月夕好樓台悄聽隣娘細唱迴太半蛾眉悽惋
色輕輕却放話頭來

其六

翠袖傳盃憶盛時春風慣住別離詩晚來蝴蝶他家
去的的殘紅角自知

題青坡幽居示釋章

林風不到郭南塵柿葉翻起浪鱗雜菜園中芳欲
盡懶蜂殘蝶得花貪

曉發吟示釋章

胡亂甚思未著眠漢陽歸客轉悽然蒼涼曉色空庭
豁纖月初生杏樹前

歸時歷元明拈山谷集韻

纖花零落草間黃階蟻行逢曳粉香却被端陽天氣
熱午鷄添得一聲長

其二

木槿花繁杏子黃深園五月間生香喜君林下多風
氣叟住流鶯一日長

又拈韻各賦兩律

慙慙留麥飯翳宅邊素門掩田家色衣殊俗子粧
蓬蒿甘仲蔚車馬笑君房哺燕來還去晴甍落屋椽

其二

出郭無塵想逢君却粲然往來還是客方便轉如禪

已遣諸緣了難要一事圓文章猶可憇留待子雲傳
穉章以禮部郎往咸興所晤營妓范娘殊有才
色於其別時乞請免役要余倩手任排諧詩送
呈北伯亦戲劇事也遂賦三十絕句以還之渠
亦不免為有情儂還可笑也

絲竹悵悵動別聲縷金歌歇最牽情紅羅舞袖元無力
莫遣春風太惱生

其二

擁髻悲啼落月殘起看南斗正闌干水晶簾角紅鸚
鵡却怕輕猜後夜寒

其三

橫江嫋嫋落梅謠芳草如煙萬歲橋男子幾人腸不
斷燈殘酒歇可憐宵

其四

嫩語低低訴別時風情說與好監司西樓西角如眉
月印在儂心黯淡知

其五

榴花帶色皺深紅小罵輕風映蝶工鶯、鶯、撩亂
過一春生活百忙中

其六

煙花一薄繫如枷
逐隊嬌粧日趁衙
房子黃昏催喚
去小心陪箇某官家

其七

檀板瑤琴粉黛班
錦筵那得討些閒
晨粧不敢違官
令強掃蛾眉澹遠山

其八

新官差備別星行
東送西迎是半生
鷓鴣子青鬢瓜子
襪罷能細月踏殘更

其九

生憎蛺蝶鬧花圖
女質如何做畫夫
一對眉灣來去

後人人瞧向碧紗厨

其十

懊惱春塘打鴨愁
幽腔咽咽細篴篴
燈前暗滴梨花
淚若箇人情恁得休

其十一

春晚江樓鶯子翻
徘徊只顧主人恩
青青十二珠簾
索依約風前捲一番

其十二

慵歌慢舞夜闌時
銀燭殘缸眼欲眵
凭囑千回觀察
使為看儂面別饒兒

其十三

風流何惜賣明鑄強索高低住要場未必青錢花使
了公文一紙便饒當

其十四

青衫輕薄被他嗔一斛明珠恁俺貪權放桃花村裏
住好教漁子更尋春

其十五

無賴金鸞織柳絲千暖萬暖夕陽枝聲罵道春心
淺措大囊中打甚時

其十六

貼兩黏雲耐百般那由帳額解青鸞花書乞押分明
證央箇春營做主者

其十七

爰辭可念彼名姝能就花間好事無分付善書伶俐
史勒成閑貼勿糊塗

其十八

印如斗大帶前黃這件文書打幾張添滴芭蕉三點
兩紅泥踏出圈方方

其十九

行首支吾色掌遮猜風妬雨易瞞過非閑塞也無芳

草帳下芙蓉簇簇花

其二十

揣得芳心愛寂寥
海棠花下不須招
鬆它草綠羅裙
帶楊柳樓中稱細腰

其二十一

拈出花題說葉經
浴花眠醉是花刑
為君更示安花
法願護輕綃九疊屏

其二十二

幙府黃金萬萬多
風流賸買杜娘歌
教他細意元央
繡縫進尚書兩隻靴

其二十三

謗言祇道在台何
他自憐他不管他
一額香巾休緊
束兩廂都是佻青蛾

其二十四

一事深閨色界塵
別時藤席語申申
朝鮮自是人情
國閣下寧為沒意人

其二十五

紅牋密密綠函封
別是多心餓色儂
終念解饒惟箇
事阿郎面上豔為容

其二十六

清詞排比細喉聲的是驪珠價本贏明日公軒憑照
後就他題目抹花名

其二十七

另加寬典贖那身筆插綃囊硯壓茵點抹紅營花鳥
令如今權在大官人

其二十八

事在來時未必知面前惟恐悟佳期三韓公事元三
日朱墨何嫌枉一時

其二十九

一判要題繡鳳裙圓時囑汝細成文遙知鴈足相思

字巡使恩光說十分

其三十

假下銀針拔眼芭女絲紅碧繡心長瘦瘦蝴蝶流蘓
結紉珮淙黃四角囊

次北妓送行韻

尖側東風拂柳枝迷離煙雨沛江湄斜陽萬歲橋邊
路采采蘼蕪欲贈誰

其二

紅腮巧住淚三分假意些些滴送君更挽行人將進
酒初筵皆唱巖頭雲

菜園

偏憎馬齒掩畦生
蕪沒佳蔬色奪青
自是主人終濶
事慵鋤不必罪園丁

其二

淡月其如不雨何
吾園植物半蹉跎
縱知氣味宜貧
士還恐黎民此色多

文立中有酒送馬
邀之病不能往飲
戲呈五絕
遣騎相招古意存
奈渠無分對清樽
強喚回人看病
狀伊來三月不開門

其二

中寒脚氣比來增
做箇無端八定僧
折飲非緣從佛
戒誰人敲送玉壘冰

其三

缸地鑪傍醉幾人
也應圍坐一團春
心頭猛起風流
想病口通宵不禁津

其四

一醉難謀懶病身
讓他清夜酌無巡
林中濁酒元佳
况始識微官也不貧

其五

人事經冬厭櫛冠
強生筋力怕輕寒
忽忽回札應胡

亂憑囑青燈仔細看

又用前意戲寫九絕繫前呈牘末奉寄直中

陵人帶札緊緘來喜劇兒曹就手開欲知遠客慇懃
意一日須梳一百回

其二

千里購來足見心匪伊之贈貴知心衡門雨雪無人
問况有明朝惠好音

其三

病餘新篦髮全墮束髻摩着的似錐髮帽如何安着
頂出門還恻小風吹

其四

解垢非閑禿髮吾細君雲鬢正堪梳如其在日應
倒不惜紅奩雜珮珠

其五

羹沲煖酒劇風流聞道淋漓卜夜遊消渴三更生別
症急呼茶水強沾喉

其六

空庭山雀坐無聊悵林間子實勞却恨多情還病
我何如伊日不相招

其七

前來飛牘問平安
錯道羸形耐跨鞍
渾體方成金色
佛肯將香願好祈官

其八

齋僧虛想但聞鐘
折脚鐺邊餓殺儂
儂如做佛曾無
戒饒佛何傷酒炙供

其九

終朝伐木隔林呼
未謂伊人免興孤
是罪自甘金谷
罰可能令送一壺無

偈立中拈唐詩韻共賦

邂逅林中去劇談
山日斜祠官長是客
齋閣便為家

落瓦皆松子綠墻半草花
明朝吾且至村酒莫辭賒
立中出直向城中
余扶病就叙於其行拈唐詩

送人韻書示

忽送京師去林間
歲又流賴君從薄宦
令我破函愁
小睡忘來雪凍盃
憶去秋臨歧相贈語
君子道惟憂
冒熱八城坐樹陰
歌涼偶記所見

款款蜻蜓點坐衣
試拈霞翅却還飛
吾姑謬弄非真
事錯意人心或有機

其二

松根久坐若癡禪
蟻上衣腰故折旋
長路似知人意

倦微渠易着夕陽眠

其三

六月朱陽汗透禪行人偏覺樹陰繁
蜩螗團土闌何事辛苦搬拖上草魚

宿祥章青坡僑居呼韻共賦一律

城南每一至為有相知凍疾病俱衰
態詩篇漸細心借家仍閱歲栽果已成
尋幸慰窮途慟狂歌緬竹林
往西湖黃從家留數日書郎事
碗酒盤魚送日遲外兄留我慰凍悲
随心卧起匏花屋牆外時經賣果兒

其二

江天日日火雲低風色朝東暝又西
菜戶來云菘子爛青錢半失郭南畦

其三

牛馬依依柳巷邊長江一色黯如烟
柴聲伊軋昏中去知是東西載草船

其四

暑雲凝逗宿西灣江氣侵晨生薄寒
枕席通宵虛汗溼渾身疑著水晶盤

其五

無賴藤床細篔簹風紅爐隨地坐冬烘誰將一陣黃昏
兩快洗芙蓉綠水中

江村暮景

平楚蒼然暝倚樓水光烟色互無端行人舟楫黃昏
入病子衣裳白苧寒穩許疲龍成睡夢休教熱鴨惹
波瀾閒愁最是生多態越崱青山不故看

曉望

宿酒絲醒水北村疎簾為捲對汶門風尖楊柳微無
力月仄樓臺淺有痕遠靄未分如太古新潮初上勝
黃昏幾時住欲清涼界旋恐江中赤日翻

江邨卽事

遠客淹留為散幽江湖六月颯如秋沉烟一巷迷如
新臨水千家逼欲浮竟日吟詩無好語餘年學道只
窮愁斜陽耐可乘涼去賴有冰壺百尺樓

其二

好遣煩襟洗碧瀾江村幽事正饒看綠楊樹下撐魚
艇紅槿花中隱鴨欄半世物情猶鹵莽百年吾道信
艱難儒冠一着元非計欲向烟波買釣竿

食甘菘

瓜時邂逅得嘗新黃笋慙慙去摘頻綠顆排來驚滿

眼紅醪按下好霞唇那將大小分誰稚先別甘濃為
老親念此不知三日味江湖路遠却傷神

其二

天露甘瓜熟朝筐六月涼嫩於瓢子澤濃勝荔枝香
浸水肥添綠舍陽暈上黃莫言妨病濕貴在條煩腸

江西曲

二八江娥何所思纖鉤慵挽轆轤絲羞入曉汲隣家
井荔子墻陰立少時

其二

黃鸝蛺蝶巧相飛稱住阿郎白苧衣菱子花時江口

望有船無數載他歸

其三

大堤兒女踏春陽薄米宜男欲斷腸雨後芳洲蒲葉
浪復復對浴紫鴛鴦

其四

春江離別自年年水上浮雲水下烟淙恨西堤楊柳
色有絲那不繫郎船

其五

江北江南是妾家商人嫁得怨孃爺春心一點無人
識謾摘籬邊豈寇花

其六

漠漠烟波遠送君
棹歌將發不堪聞
門前流水東西
岸春草三分淚二分

其七

長江無緒弱魂隨
情裏卽君夢裡疑
晴曉紗窓綠起
睡懶拈梅子打黃鸝

其八

春樹幔亭歛黛眉
不知深恨在阿誰
闌干只是相思
淚愁雨愁風此水湄

其九

榴花結子藕花開
釀得葡萄綠醞醅
往日行人臨水
語丁寧六月買茶迴

其十

夫婿多錢重冶遊
纖歌艷舞滿船頭
卽心不似春潮
信聞道歸帆滯杏洲

西湖歸時又過程章吟示一律

老屋涿生草樹輝
船橋南畔迥柴扉
故人隱几烏紗
帽歸客經園白葛衣
上架匏花生不斲
滿庭桃實落全稀
重來莫仕家貧語
各把詩篇細是非

權汝和中倫家白桃爛熟故無見贈之意蓋戲

余也書此以示

一名甘桃

欲摘甘桃背半紅羞將老意待天風可憐園主還如
我二十年前上樹童

拈唐絕

春陽艷朝牖庭草欲生心東風吹解凍天氣散輕陰
歷宿元明家以乍陰為題拈韻共賦

雲如紗幔度林輕穿漏他天乍減明當午欲凝顛雨
意未曛全幕薄烟情美晴幽鳥偏生態歇暑清蟬更
曳聲暖暖流光真可惜極工須積寸分成

其二

陣陣纖雲碍日輕東園忽暗北園明婆婆月內山河
影淡薄林邊罔兩情樹梢蟋蟀爭得氣天端霹靂竟
虛聲須臾若慰三農望還被西風雨不成

立中棄官南歸余病未往叙漫成十五篇以贐

其行

二載祠官不厭卑水邊林下喜相隨春秋癖苦皇明
史歲月工涑天曆詩江漢西風鴻一去斗牛南氣劍
殘知高才敢抱明時恨落落吾儕古有斯

其二

吾輩謀身與世迥可憐工瑟未工筭居然日月成衰

態好箇男兒負壯圖
蝴蝶不來尋野草
鳳凰無食逐庭梧
沈吟百感懷疇昔
雲叟門前小子呼

其三

嗟吾旅食耐千辛
潦倒微官不為身
小邑終違毛義檄
清江忽憶李鷹尊
式年及第經明士
吏部尚書政失人
月出山中田幾頃
力耕猶足養尊親

其四

九街鐘歇漏聲微
行者方知四十非
君子退猶憂主國
丈夫窮不戀輕肥
驂騑未布駸駸老
鸚鵡能言箇箇飛
薄米秋花臨水贈
遠人珍重惜殘菲

其五

之子紅顏足可誇
青青衿袂又芳華
窮鄉孝悌真名士
勝國衣冠古大家
阮籍途窮堪慟哭
廣文官冷詎生涯
滄洲勉欲尋初服
餘痛江門更若何

其六

秋草萋萋滿徑深
扁舟明日大江臨
青雲誰借吹嘘力
白雪空懷寂寞音
吾輩到窮尤見意
人生垂老况分襟
小山叢桂花應發
願保巖阿歲暎心

其七

浴中年少粉粧偏
鄉士紅牌未直錢
我國規模如是

窄世家子弟豈皆賢今時取舍尤為甚古道商量大
不然慨獨在君言此事莫將詩句向人傳

其八

遠鶴飢猶食淨苔故山松月長徘徊野夫涖愧朝廷
策良士空捐郡邑才同學少年多宰相奔波流輩盡
輿僮知君不忍為慈態漢水之南肯復來

其九

江國秋風動白蘋故人家住舊山貧近來仕宦多蹊
實平地風波轉主臣好脫塵埃烏角帶還尋籬落白
綸中祇教一段同心在千里雖遙亦是隣

其十

團團白露動微寒遙野衣裳子實單洛下諸生誰可
語世間行路古猶難名心向懶將知老酒戶當愁大
覺寬已矣浮榮非所戀去看園竹甚平安

其十一

獨將肝膽向平生安有吾曹住世情高視乾坤殊犖
落劇談今古大綬橫握中明月知誰惜琴裡青山許
爾評倪仰許多悲慨意為君敬送董生行

其十二

海營從事是何官余友拂衣歸碧山一病相憐頻醉

後片心曾識竟愁端長逢日月青春失大海虹蜺紫
氣寒為折秋蘭同子賞時人應住艾蕭者

其十三

紫閣峰前卧幾時終南捷徑世皆之低回市肆藏名
客慚愧風塵逐臭兒已分此行長往計不知何日更
逢期憐吾短髮猶闌鬢強挾殘書乞有司

其十四

繞壁淒淒聽草螢湖南歸客帶新涼清江月隱芙蓉
佩古壑秋尋薜荔裳風雨燈前人更遠烟霞局外日
應長漁樵未減專城養况甬高堂幸壽康

其十五

頭上烏紗久賣渠甚官留做十年餘郵丞太冷綠餘
酒寢令長閒好著書賦去自尋元亮徑知貪誰訪子
桑廬行囊只帶紅羅史似勝籛金訖里閭

又代舍弟住

南湖黯澹水花開張望行舟首屢回曰我平生相愛
者若人淪落最憐哉窮通有數難如意今古無時不
棄才夙昔聞君巖邑味蟹肥未熟正秋來

其二

事與初心八九違悠悠吾道任長饑東郊處士青菰

圃南國行人白苧衣
兩地相分湖海濶
一年殊盡簡書稀
誰將祿米霑山竈
陋屋從茲便失輝

其三

崇禮門南路不窮
飄然歸袂又秋風
時清狂士猶歌鳳
鄉遠羈人早聞鴻
桐柏山深嗟董子
鹿門春入憶龐公
蓬門顧乏知貧友
只合呻吟卧雨中

其四

幾勞鶴髮倚閭門
游子還鄉喜可言
耕粟百疇宜濟室
種桃千樹足藏村
誰依日月裁龍袞
自放田園隱犢禪
縱做好官奚易樂
家居養老至和存

書懷

濁酒綠愁故故斟
閒來半是不平吟
釣鰲海客猶奇氣
看鶴山人每遠心
永夜邯鄲悲白壁
斜陽碣石少黃金
丈夫失意耕為可
兩笠烟蓑取次尋

仲秋宿潛谷宗人家雨中偶吟

秋風客子到嘉陵
行住無常便似僧
叅誦朝川詩一偈
雨中山果草蟲燈

暮秋東遊洪川宿邑內金監役戚丈

說澤家吟

呈一絕

浪跡無南北
棲棲已半生
今秋黃葉里
遊子不虛行

又贈金伯雍 相和相穆兄弟

燈前相握感年華
山有丹楓菊有花
一見可知賢子弟
謝君能守讀書家

泛波亭

縹緲朱欄可上人
萬山中得眼尤新
偶然一宿清江去
魚鳥安知是洞賓

春日訪栗里路中得絲字 甲辰

郊原微雨歇
春草細於絲
信步仍隨意
慵來未有期
和風方溼蕩
宿物更華滋
所遇皆如此
人生詎不衰

山峴道中口占

農節居然雨
一番歸田婦
定何村雲江
只隔峰三疊
信馬應須到
未昏

過綠楊驛

山驛雞聲午日長
家家圍匝杏花牆
行人好得春三月
巧是村名又綠楊

春日書事憶舍弟山居

舍下三畦可種葱
黃牛送借水東家
山農又急燒苗節
野徑初開粟飯花

漾江舟事

蘼蕪春色滿江村
燕子矍矍入菜園
雨後漁舟生甚

力桃花新水上河豚

農家謠

枝間鳥小鳥爾啼知歛豐但願啼鳥小不願啼鳥空

次李汝仰章廬道泉草堂壁上韻

多君卜筮昔賢依文烈祠南隱一扉春雨白鷗江上
去夕陽黃犢草中歸安排圖史身堪活問蒼煙霞語
更微儘住一綠題素壁野夫於此便光輝

偶書田中所見

如年長日却悠悠隨意巡田立聽溝紅色蜻蜒黃色
蝶去來山徑草花頭

訪李清之景漢道中口占

遙望柴門也不閉故人家在數重山随心行坐溪邊
草邂逅織花着眼看

其二

為愛清流上鼻端懶拈團石似投丸我冠博帶渠何
樣也識游魚作怪看

雲江道中

平流江水漾文漪鱗次續紛感細吹只是閒鷗空活
性叅差蘆葉淺涿知

八城遇兩宿元明家吟示

貧竈麥炊濕楚燃雨中籬落細生煙自憐泥路綠何
事明日還愁渡洛川

其二

漸見兒童大吾衰已可知須令除萬慮日日把深卮
朱槿取元明詩中語

槿紅非貴品胡甬取園中寂寂山人宅作花也不窮

滯雨共拈山谷韻

叅差秧正綠時雨客來初古蘚階庭潤清颺林薄虛
緣乾行蟻懶向霽走雲踈麥飯有真意且留看古書
又次山谷六言韻

斗大書齋無事羲皇一夢午酣有如人來覓我云在
山北山南

滯雨留三日又拈山谷韻七言六言二律

暑天雲氣正闌干林雨仍成五月寒名士茶供當午
椀故俟瓜上犯曛盤遯觀豈了乾坤大靜坐方知世
界寬吾輩自逢豐歲足南陂新水待晴看

其二

落暉乍明乍滅過雨俄東俄西淺水菖蒲綠滑平畦
穠穠青迷

其三

牛羊自識回徑鳥雀還尋古樓老圃生涯可樂饒他
白犬黃鷄

城東即事

乍雨乍晴天氣半山半水人家萬井黃雞白犬千畦
綠韭青苽

其二

鵝鴨芙蓉池畔樓臺楊柳水邊借問酒家何處囊中
自有青錢

歸路更歷元明書示六言

南郭高人隱几東陵處士苽田自今無譽無毀未識

孰愚孰賢

霖雨

山家炊麥熟烟火起青林鉤輶時啄暝園木更涼深

田家謠

遠鋤山中黍日暮歸夫妻夕炊常犯夜松火巷東西

白鷺

白鷺生涯也做閒管他真箇好江山亦知口腹非無
累猶自窺魚在浦間

偶題

懸棚鉤曲見黃苽秋意先來老圃家籬落蛛絲經雨

新飛蟲闌八苦匏花

其二

黃牛雨中立雙角忽淨蝶如趣主人返目光尊間生
金仁瑞麟淳以長寧殿即將赴沁都索詩為呈
六絕

吾輩居然老態同舊時江閣挾書童相看一笑成何
事明日行人大海中

其二

憐君蔭仕賴名門斗祿沾厨亦 聖恩職事須持清
慎戒時人目謂我師孫

其三

舊家食德飯尚貪屈甬微官只為親從此東西南北
去恐妨林下讀書身

其四

公車四十未成名薄宦非真為子榮丈夫一着烏紗
帽便自北中過半生

其五

沁都風物仲秋時齋閣應多見月思那借一驢從子
去摩尼頂上快吟詩

其六

祠官做得味如何
殿閣閒時想日哦
從茲易失居湖約
離合平分更孰多

恭原姜季昇鼎煥同門友也不見已十年日者
來訪白石村居留數日呼韻共賦

空谷雙音古木村
遠人何自枉蓬門
江山南北無書信
憂懣中間各淚痕
窮道文章當歲暝
貧家飯粥犯宵昏
十年多少閑情話
坐到西林月色翻

季昇曉起索紙余以無帝為歎季昇用前韻示
余仍和示

覓紙詩朋笑這村
憐它冬月未塗門
已教秃筆難生

力縱有陳煤那染痕
記草惜惜成白板
書空咄咄到黃昏
秋前倘卜今宵話
剩拾芭蕉兩葉翻

其二

獻角長楊賦胡為灞水陽
青雲無故舊白首尚文章
慨念前人獲沉吟
以夜長陽春逢有日
天意積風霜

其三

吾州淮海有三洲
盡日虛舟上下求
男子功名須好做
古人衣食已先謀
詩書故物王家塵
雨雪行人季子裘
儘把深工期歲暝
世間虛譽是陽浮

陶山歸路遇雨歷宿栗里季昇呼韻共賦六言

天末斜陽去鳥山邊細雨行人少年皆着紗帽老子
獨來緇巾樵路蒼苔十里柴門流水一隣但從今夜
討話休道主人家貧

又興賦

憐君短褐奈經冬老態猶然辨舊容天地一番駭殺
後歲寒心事在青松

其二

老大文章四十年相逢鬢髮各蒼然靜夜森羅千萬
象起看星月滿中天

李昇歸時各賦五六一絕

憶昔三山閣樞衣共入門丁寧尋是字努力信師言

其二

兩色空山落葉聲白石蒼苔相逢數日相送一去
何時一來

次呈李湍川長運壽筵韻

甲辰陽至月之旬李湍川翁晬辰設盃酌邀
賓客鄉里畢賀篇章爛漫聞甚盛事是日適
當南至微陽初動梅葉已有香氣易曰復其
見天地之心又曰來復吉翁廢著家食篤於
人倫家室靜好兄弟團樂鸞鶴翩翩左右愉

悅福祿鼎來日月未艾于時介壽厥兆逢吉
不先不後與陽俱長亦異矣是可祝也余既
不與執爵之列以觀撥簡之儀則讚誦之餘
又自慙然以歎日者苟庵老人過余道翁意
甚勤又誦傳某某詩若干意復痒痒然如在
其席遂漫筆步韻凡十二疊皆倣古人勸酒
歌意庸附華什之末詞甚俚雜意同語置都
無倫次殊令覽者嘔噦吐宿酒而已謹此錄
呈仰博長筵一粲

桑榆晚慶室家寧至日長筵設野亭老大英雄歸棗

圃從容賓客對花瓶羔羊里社閒時月弘矢光陰舊
歲星未必生辰為壽節願將來晷醉無醒

其二

箕疇一壽又三寧讚歎觴歌燕喜亭南極新輝方出
屋蓼莪餘淚更盈瓶人殊未易逢今夕客且無歸勸
汝星好放殘牙仍大嚼古梅花下不消醒

其三

真箇歸田百體寧過來浮世是郵亭已將宿志輸虛
局剩作餘緣結淨瓶舊甲干支回子月良辰書牘走
奴星矧今來吉徵南至拖逗生陽好醉醒

其四

回陽堯曆證丁寧午晷中分已過亭孝子介眉宜用
斗嘉賓開口勿如瓶歌三卒勺希餘韻福五平衡秤
合星願祝無量千佛偈蓮花眷屬夢皆醒

其五

賢弟佳兒翁以寧豐年酒食樂斯亭縱教短髮難安
帽且折寒梅強插瓶後甲兒童者長日同庚朋友數
零星賓筵豈但陳圖頌蟋蟀三章更日醒

其六

中年喪馬幸時寧歸種青菰有故亭壯士功名懸古

箭矚仙氣味卧深瓶論情舊雨非今雨數髮三星又
四星勸解銀纓將侑酒哄堂一笑喚翁醒

其七

少長咸來樂歲寧風流何必讓蘭亭分擎彭祖斟羹
豆倩祝麻姑送酒瓶玉圈政猜當鬢雪花籌頻勸應
身星終筵更酌歌常棣老屋三間為解醒

其八

斯翁遐不壽而寧孝子補觥在彼亭暮色那禁生畫
卣春風勒住繫銀瓶丁年褶袴渾疑夢甲日夜冠皎
若星聞道鄉人皆醉德野夫還愧楚儂醒

其九

仁人福履是悠寧考德如何李氏亭喬木園林傳古
鉢沱花世界付空瓶閒來本色經橫几老去餘懷劍
動星從此田間皆飲日一番須醉一番醒

其十

翁今携客宴康寧醉踈何妨志此亭南土越阡來杖
屨淺深隨戶盡罌瓶無那白髮摩肝石若箇朱顏賽
酒星不必催科金谷罰詩人他自述其醒

其十一

舊德翁家食必寧優閑身世老吾亭稍來烏雀門垂

網已去春秋水在瓶日聚子孫兄及翁年占風雨月
從星移花種藥多餘暇只討高眠也不醒

其十二

優游卒歲分吾寧生任乾坤一猿亭所以古人謀秉
燭元來達士愛觀瓶介春豐酒方占雪永夕嘉賓可
帶星別取仙家花釀法年年今日使無醒

白郊夜話吟示具伯受 益慎戚兄

荒村深雪撥爐灰豆餅團團強嚼回粘壁梅心猶寂
寞別將何策打花開 壁有畫梅故云

大雪後訪清之

極目川原立雪前
日光猜日雪光玄
十里衝寒來底
意清之不見已如年

過釋章城南僑屋吟示

問爾何官舊馬曹
郭南晴雪卧來高
今年又是悠悠
去可奈吾生兩鬢毛

又拈朝川韻同賦

山雀下柴扉
庭空薄薄暉
廢垣山色逼
深巷市聲稀
老去憐鬢帽
寒窮送絮衣
清談須永夜
明日我東歸

歷宿元明拈山谷韻六絕

世味嗾如梗
吾寧吐水鷺
口非甘脆馱
其奈菜腸何

其二

見君如處女
貞操冰雪持
獨立梅花下
羞他傅粉兒

其三

有書堪食活
終歲卧寒牀
白髮生何早
非緣服地黃

其四

丈夫身七尺
自待豈容易
素養元林下
惟希徃哲似

其五

老大文章壯
能澆幾石酒
行知天下小
今世子惟友

其六

寥寥名士宅
日夕古書對
未必勞聰明
須省山木晦

元明酷好古文用舍笏韻書示

深笑玄經妄擬易千秋鬱鬱幾楊雲今渠不幸生今世此彼焉能似古文雨雪風雲多變態虫魚草木自成紋閭閻真箇真舞在野笛山謳可與聞

除夕與舍笏拈收齋韻

明歲農宜穰元朝已得辛年光迎送夜村火往來人漸大憐癡子將衰念老親陽嘘消積雪群物動精神
上元月 乙巳

每月今宵月一般青天東畔上來團只將依舊些兒影別作新年面目看

其二

農家卜歲上元宵候月山山誌凸凹多少閭閻癡漢子嗅他新月望雲霄

其三

稔水災山不一端爭些箇月萬方觀那由遍得從民望也識為天亦自難

其四

千番囑月月休嗔再拜陳辭下土臣願把今宵圓滿相平分缺畧衆生民

其五

有月幾時來碧天年年見月長吾年世間苦少如心
事那得銀輪似箇圓

其六

月上高低問老農今年何似去年豐黃昏聽得村中
語又是前山第一峰

其七

吾年四十覓來無消了其間已往吾却自今年新月
始分明數去做工夫

其八

老子童心自可憐強隨迎月拜堂前欲觀本地光明

體休遣微雲薄暝邊

其九

邀月支離下界人月如人老色如銀姮娥定搗長生
藥萬古青天只一輪

其十

今宵明月在佳辰東俗糯盤喧四隣從此乾坤消息
好同飽物我各為春

寄大同丞權稗章十絕句

輕寒惻惻我心驚儘覺東風管別情雨中芳草偏多
緒并與春愁一夜生

其二

西娥慣唱採菱謳楊柳青青繫畫舟知子風情曾不
淺軟腸消盡細塗篋

其三

清明門巷杏花飛悵卧空山白氎衣處處園林春欲
暝須江鞍馬幾時歸

其四

春來飢鶴日矐形那吸甘紅露一瓶祗有苔錢堪食
活終朝閒啄滿庭青

其五

生願為官養老親可求寧汗抱關人八春山屋無烟
氣采采園薇淚滿巾

其六

名山幾處負言多種種人間被劣魔為報風流平壤
尹一春花事病儂何箕尹金時可曾有
青山之約故云

其七

黃金苦乏丈夫囊闌闌棲棲鬢已蒼費渠幾屐看山
了每遇西人問妙香

其八

君家不道舊山貧白馬青袍別樣身每憶梨花明月

夜水村賒酒是何人

其九

野麥青青燕子來春光應亦客邊回
一渡大同江水後何曾折寄驛樓梅

其十

儂家依舊在京東百里尋常步彳亍
聞道今春山北過銀鞍坐下馬游龍

憶城中諸友

春城花柳夢依依京洛交遊半已非
四友年來情最薄問安書札亦相稀

城東即事

少年騎白馬日晚向城東杏花深處去
一半醉春風

過東園族叔道叔氏

明誠時直園所

青門楊柳嫩絲絲近水人家酒熟時
寂寂山園閒睡足一庭芳草雨中滋

道叔使園隸種花澆水戲成二絕

無事園中種雜花暖蜂晴蝶謂如何
微官也被花緣重兩見開花亦已多

其二

怪君多事與花謀澆水園丁不自休
靜中著此閒分

別開處還生落處愁

春陰

春陰歛衆色天地若沈思物物分排意化翁愁此時

偶吟

春寒惻惻掩門多處士三旬養素病乍欲去看山下
麥意闌還復坐柔莎

春雨三絕句

病子深春睡意長午來山雨一犁剗小園晴日看花
事稍待中甸更細商

其二

晴鵲暄鳩麗景賒東風不淺野夫家春來饒得繁華
相雨後園林百種花

其三

田家一雨及時來分付童奴覘水回從此閒人應被
惱百花明日放教開

洪川道中

春風入山郡苗火上高巔滾落支藤石驚禽起馬前

八峯山

臨江東立劔鎗痕八角奇峰石一根紅鬚古蘚千年
窟好是魑魍長子孫

訪金監役子兩 說澤

千盤硤路度艱關
半日清江半日山
遠客重來三百里
二年離別更衰顏

送春

桃花落盡小墻西
春色無多雜草蹊
楊柳千絲那繫住
夕陽鬢子斷腸啼

九月八日宿雲湖吟呈主人戚丈

約莫黃昏夕行尋
近水莊清樽留一夜
明日屬重陽
漸覺秋光晚還憐
客意忙寒花須細酌
老大勿悲傷
翌日卧雲亭戚丈尹同樞公送一絕求和謹次

九秋無日不清佳
况值重陽慰客懷
殊喜一村豐歲樂
隔籬來往醉人皆

又呈二律以謝留宿之意

為有雲江叟穿林復度川
湖山存浩氣顏髮似前年
會是重陽日無當好月天
慙慙留白酒山果更燈前

其二

遊人愛秋色信宿清江湄
近砌黃梨落綠厓赤葉垂
駸駸霜氣逼箇箇物華移
偶有成懽笑重來未易期

三山閣梅發吟呈金贊善丈 履安

未解花心做故遲
生平梅癖却成癡
分明大雪江樓

夜會是先生讀易時

是年梅花晚開

其二

獨立荒江寂寞濱
山林氣味是高人
春來恐被羣芳妬
加意深藏閣裏身

夜宿奉印寺遇大雪次李童子韻

早訝窓生白朝開雪壓山
羣囂皆入定世界稍虛閒

其二

有花六出自何根
徧灑人間白屋村
珎重化翁為政意
居然粉飾此乾坤

贈敏悟上人

剃髮云何盡做禪
惟師於法著心專
面前只誦彌陀去
未信西方有別天

其二

生煩生惱衆生癡
橫豎經言摠為誰
千了百當無別策
如來只自占便宜

三山閣敬和梅松韻各三疊

世念都消四十三
祇渠花癖老猶貪
黃昏素月清湖水
好箇梅兄一味淡

其二

天下夷由可讓三梅如
一見便應貪竒植
合著高人

眼那得花中似此淡

其三

長日嗅花不止三有如梅臭可無貪的知鼻孔熏香
化休怪翁詩色太淡

右梅

其四

初擬為樑大厦支娑娑還向短簷垂托根幸得幽人
宅無恙巖阿歲暝時

其五

歲去相將病骨支吾人易老鬢絲垂如何不垂風霜
色蒼翠偏能貫四時

其六

寒天耐得雪霜支擁腫椶枝底倒垂故使厝身繩墨
外無閑匠石八山時

右松

夜宿石室書院吟示李毅伯

弘喆

愛君年富又才豐須趁光陰急著工看取古人成就
處讀書方是大英雄

乙巳除夜聊書遣懷

百種身憂與夜深流光又去更誰禁少時只信多餘
日此夕方知惜寸陰男女寂閑婚嫁事弟兄難住別
離心荒村濁酒堪消遣強嗅山妻滿意斟

其二

童時何樂做佳辰便過今宵又見新年日皆同逢丙
午室家相聚守庚申十分無計將人老一箇多情有
鬼貪自此諸緣都新置燈前取醉莫逡巡

丙午元日漫筆

翁年四十四番春懶情仍成老大身若使知非猶未
改面皮依舊徃時人

其二

一事文章未足云于今頭白遂無聞直饒到得驚天
地身上何贏一半分

其三

稚兒驚我鬢毛斑縱鑷如干禁得難如是駸駸純白
去未知幾歲住人間

其四

做人至戒負師言客氣終然住病根只是不憂貧一
事猶堪藉手見顏原

其五

夙計蹉跎與歲馳誰令短髮只如絲箴闡擲和兒童
戲以甬年時我亦為

其六

方知少壯氣翩翩
劔匣書囊四十年
寄語兒曹須勉力
不成毋若乃翁然

其七

到老方纔識世情
向來魔念竟何營
從今不欲閑閒事
留把殘書了此生

次羨溪元日韻

趙汝章親年皆八十其伯氏作志喜詩自羨濟別業送韻求和

人間一樂得之天
孝子情深喜懼年
但願常如今日去
綵衣長向北堂翩

憶大同丞得青字却寄

迷離酒斝泛春星
客夢閑河幾日醒
第一江山箕子

國無雙樓閣練光亭
桃花月淺佳人白
楊柳風微駿馬青
遙想此時丞刺負
等閑公事二松庭

寄砥平使君尹仲舉

守翼四絕

早識君才百里賢
山民豈必用蒲鞭
些些惠政非為德
好箇官人不愛錢

其二

使君簿牒管名山
日夕龍門几案間
料得君家清靜法
訟庭春牝坐應閒

其三

燕鬧鳩鳴谷口廬
杏花籬落雨聲疎
門前水驛人來

去太守三春不寄書

其四

花時如許坐如禪
脚氣春來苦未痊
聞道官園馴白鹿
借儂成就八山緣

記見

孤芳生薄裏冲寂自妍妍
開落入誰識榮枯信有天

白石遺稿卷之

